

مجموعہ ابوالضیا

ماہوا شاہ سندن دلی طہیرہ چالش
پر توحکمت و عرفان ایلہ تصویرہ آتش

علوم و معارف دین بحث ابدیہ و ہر ماہ عربی انتشار ملے اون ہشندہ شہر اول نور فنون غزنیہ سیدہ

نومبر ۱۴ - جلد ۲ [فی ذی الحجۃ ریم الآخر سنہ ۱۲۹۸] [نسخہ سی ۳ فروش

معلومات فنيه

فن طبقات الارضه دأثر بعض الطبقات

—

انكلكره سواحلمدن بعض محللر تباشير تعبير اولئان طبقات (كلسيه)
دن عبارتدر كه بر قاچ يوز قدم ارتفاعنده اولان بو حصار سفيدك كيلر
طرفندن بنا ايدلديكي سؤالي وهله نظرده ذهنه تبادر ايدر .

اوله بر حصار استوار كه بيكلرجه سنه اوغراشلسه نوع بشر ايچون
قلع و قعي محال مرتبه سنده دشواردر .

ايسته بودرجه متين و بلند اولان شو ديوارك بنا و معماری حقهده
ذهنك ايراد ايله چكي سؤاله « بز انشا ايتدك! » جوابي ايسه كوز ايله كو-
ريله بيلسي قابل اولميه جق درجه زده صغير بر طاقم هوام طرفندن صادر
اولق لازم كلسه استغراب ايتامك ممكن دكلدر . چونكه رؤيت وجودلري
خرده ينسه محتاج اولان بو حشراتك جرملريله طبقه مذكوره بي مقابسه
ايتك عادتاً علم حسابك خارجنده بر مسئله اولديغندن، انسانك اثرله مؤثر
بيننده كي نسبت سزلكي كوروب حيرتدن حيرته دوشمكلكي مقرردر .

زيرا هر كيم بو طبقه دن قوپارلمش بر پارچه بي مكمل بر خرده بين ايله
معينه ايله جك اولسه نجر ايتش هوامدن عبارت بولور؛ و صانع قدريك
هر شیده اولديغي كبي بونده دخی عظمت الهیه سنی مشاهده ايله دنیلری
كندیسنه كوچوك كوسترن آرزو سنه قارشى كندیسنده كي عجزی اعتراف
ايله مبهور اولور .

معلومدر كه (لينيه) تعبير اولئان مقياس بر (پوس) ك اون
ايكیده بر جزوی اولديغي حالده حشرات مجوٹ عنھانك جرملری بر
لينيه نك اون ايكیده برندن ايكي يوز سكسانده برينه قدر تخلف ايدر؛
بونی ايسه خرده بين هر زمان ارأئيه صالحدر .

انكلكير طبيعئونندن برينك حسابنه نظراً بر مكعب پوس تباشير ،

بومخلوقدن اون میلیون قدر وجودك نچجر ایتش اولمقلغندن عبارتدر. بناءً علیه برر نظر معاینه دن کچیر یله میه جک درجه زده صغیر اولان بو حشراتک بر آره به کله زله مخلوقات مختلفه آره سنده چشه جه اک بیوک و اک قویسنگ موفق اوله میه جی برایشده استخدام اولمهلری و کره ارضک طبقات مختلفه سندن بر ایکبوز قدم نچندنه اولان تباشیر طبقه سنی تشکیل ایتهلری کره مزک صورت ترکیبده کی نزاکت و صلابتک درجه سنی ملاحظه ایچون بر مقیاس عبد اولنه بیلیر .

اصل غرابت بونجه مخلوقاته تعیشگاه اولان روی ارضده عظیم الجثه حیواناتدن بک چوغنک الیوم عرقی منقطع ایکن کره ارضک معماری مقامنده اولان شوناچیر مخلوقک الحاله هده اثر لیه بر ابر ثابت و بر بقا بولمهلر نده در. تباشیر قیلندن (تری پولی) یاخود (طرابلس طویراغی) دنیبر بر کلس دهها واردر که معمولات معدنییه جلا ویر مکده استعمال اولنور . بو طویراغک دخی آلمانیاالی مشاهیر اصحاب تدقیقندن (اهر نیرغ) طرفندن بالمعاینه (انیفیوزوریا) (*) اطلاق اولنان حیواناتک نچجر ایتش اجسادندن عبارت بولندیغی ظاهر اولمشدر .

حتی حیوانات مذکوره بیننده کی فاصله، مشاهده سنی خرده بین ایه دخی نامیسر اوله میه جق درجه زده، بربری اوزرینه استیف اولمش قانلردن عبارتدر . بو حیوانلر، زبرده بیان اولنه جی اوزره طبقه (کلسیه) بی تشکیل ایدنلردن جشه جه دهها صغیردر .

مذکور طرابلس طاشندن بر لینه مکعبنده بر پارچه نک حیوانات محبوه دن یکرمی اوچ میلیونک نچمر ایتش اجسادنی جامع ویاخود بر پوس مکعبی حیوانات مذکوره دن ۴۰ میلیاری حاویدر .

ذکر اولنان (تریپ-ولی) طویراغنک بر مکعب پوسی ۲۲۰ غرام

(*) صور امشائی سیالنده کثرتله موجود اولوب رؤیق مفصراً خرده بینه محتاج اولان حشراتدن بر نوعدرکه حرکت ایچون غایت رؤیق قیل کی آلتلری واردر .

نقلندہ اولدیغندن، حیوانات مذکورہ دن بھرینک نقلتی بر غرامک آنجق سکسان یدی میلیونده بر جزوی اولق اقتضا ایدر .

(تریولی) دخی مرکبات (کلسیه) کیوبه دن اولوب، بونک صورت خلقتی طبیعیون نزدنده ایکی سبیه عطف اولمقده در که بری اسباب طبیعیه دن حاصل اولان ترسک طورلمسی و دیگرکی دخی موضوع بحث اولان حیوانچقارک تشجیدن وجوده کلسی در .

آلمانیاده (بیلین) ذیلان محل جوارنده کی تریولی اوجاغندن سنوی بوز طونه به یقین طاش چیقارلمقده در که، - اگر بونک ماهیت اصلیه سی دوشونیلجک اولسه - بو مقدار طاشک کنتریلیونلره حیواناتدن عبارت بولنسی خصوصی ذهن بشره ضیا پاشا مرحومک
« ادراک حقایق بو کوچوک عقله کرکز
زیرا بو ترازو اوقدر نقلتی چکمز ! »

قولیه اعتراف عجز ایدریر .

حشرات مذکوره میاهک جله سنده کثرتله موجود اولوب، صولر - ده کی منحل حالنده اولان کیرجیدن کندی به متعلق بولنان ماده بی اخذایله خلقتنک جله متمماتندن اولان کوملکنی کینیر؛ وآز برمدت صکره حیاتندن تجردله قهر میاهه چوکر . بناء علیه نیجه سنین واعوامده بربری اوزربنه یغیله رق، یعنی بر برلسته مدفن اوله رق، طبقه مذکوریه تشکیل ایدرلر .
خاطره شورشلی کلیر که : مادام که مذکور طاشلرده موجود اولان حیوانات عدوا حصادن بیروندر ؛ عجبا بونلرک خلقتلری نه بولده در ؟

جناب خالق مطلقه هانکی مصنوع ید قورتنده صعوبت تعلق ایدر که بونده ایتسون !

لمعه بارقه ربویتندن بر شراره ناچیز اولان کونشک نشر ابتدیی ضیانتک تأثیری آن واحده هوا واسطه سیله میلیار لجه هوام وحشرات وجوده کتیرر .

حتی بر مقدار ماء مقطر - که هر درلو حشرات و مواددن عاریدر -

بر پول شیشه‌یه قونوبده آغزی مهرلنرك، برقاج كون ضیای شمشه عرض
اولنسدیغی حالده شیشه‌ده کی صویك درونسنده حیوانات مذکورهدن
میلیونلره مخلوق وجوده کلدیکی خرده بین ایله مشاهده اولمشدر.

سبحان من تحیر فی صنعہ العقول !

سبحان من بقدرته یعجز الفحول !

بحر یه شایطانتندن
احمد

اویوز بوجکی

جرب (۱) علتنه گرفتار اولانلرك جلدلری اوزرنده اوقاجق
بوجکی ابتدا بدنچی عصر هجری اطباسندن (ابن الزهیر) اندلسی کشف
ایلمشدر . بو طبیب نامدار کوز ایله مشاهده سی همان قابل اولمیه جق
درجه‌ده ناچیر اولان و بشره نك آلتنه کومولن بو حیوانجنی ظاهره
اخراج ایچون اویوز اولان محله بر اوافق « فتحه » آچدی و برنجی
دفعه اوله رق، کشف ایتدیکی بو بوجکه (ضم سین ایله) سعاب نامنی
ویردی که لاتینجه سی (آقاروس) در .
مؤخرأ اوروپا اطباسی بو حیوان حقننه مدققانه تحریات و مطالعاته
کیرشمشدر؛ و سبب حدوث و حیاتی حقننه بر خیلی معلومات ویرمشدر .

توهم و تخلیك صحته تأثیری

وهم و خیالك صحت و عافیتی محافظه‌ده و بالعکس صحت و عافیتی
اخلالده و خاصه یکیدن خسته لکله تولید و صدوری خصوصنده پکیوک
دخل و تأثیری واردر .

زیرا وهم و خیالك نتایجی اولدرجه و خیم و خطر ناکدر که انسا-
نك حواس عمومیه سنی تمامیه غائب ایتدیره بیلیر . توهم و تخیل خسته لغنه